



Broj:  
Sarajevo,

**KOLEGIJU PREDSTAVNIČKOG DOMA  
PARLAMENTARNE SKUPŠTINE BiH**

n/r članova Kolegija

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15, 97/15 i 78/19) podnosim poslaničku

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	01-10-2021		
Organizaciona jedinica	Klasifikaciona oznaka	Redni broj	Broj priloga
01-	50-1-	1828	21

**INICIJATIVU**

kojom se zadužuje Vijeće ministara Bosne i Hercegovine da u roku od šest mjeseci u parlamentarnu proceduru dostavi Prijedlog Okvirnog zakona o klimatskim promjenama.

Obrazloženje:

Svakodnevno svjedočimo zvaničnim informacijama i izvještajima o stanju iz oblasti klimatskih promjena i njihovih katastrofalnih posljedica po planetu zemlju. Brojne međunarodne institucije i organizacije kontinuirano i bez izuzetka ističu krajnju potrebu da se svi uključe u proces donošenja civilizacijskih odluka i konkretnih akcija po pitanju klimatskih promjena. Na nedavno prezentiranom Izvještaju IPCC-a (Međuvladin panel o klimatskim promjenama) konstatovano je da je izvještaj crveno upozorenje za čovječanstvo.

U novembru 2021. godine u Glasgowu će se održati 26. Konferencija UN-a o klimatskim promjenama koja pokazuje svjetska nastojanja za odlučniji odgovor.

U Republici Hrvatskoj na snazi je od 2020. godine Zakon o klimatskim promjenama i zaštiti ozonskog sloja, putem kojeg su u svoje zakonodavstvo prenijeli preko 70 direktiva, odluka i uredbi.

Bosna i Hercegovina po pitanju borbe sa klimatskim promjenama bilježi određene aktivnosti, ali se to ne može ocijeniti dovoljnim. Bitno je istaći da je Vijeće ministara BiH usvojilo dokument „Utvrdeni doprinos Bosne i Hercegovine (NDC) za razdoblje 2020 – 2030. godine“, koji se tiče opredijeljenosti BiH za ispunjavanje Pariškog klimatskog sporazuma iz 2015. godine i doprinosa naše države borbi protiv klimatskih promjena.

Posljedice klimatskih promjena osjeća cijeli svijet, pa i mi u Bosni i Hercegovini. Osjećaj za odgovornost prema građanima naše države, njihovoj sigurnosti i zdravlju, kao i odgovornost prema preuzetim obavezama iz Pariškog klimatskog sporazuma demonstrirati ćemo usvajanjem Okvirnog zakona o klimatskim promjenama, u potpunosti poštujući ustavne nadležnosti svih nivoa vlasti u Bosni i Hercegovini.

Poslanik SDP BiH

Saša Magazinović

